

LE MESSENGER MICMAC

Petit Journal Mensuel publié par le R. P. Pacifique, Missionnaire, à Sainte-Anne de Restigouche, P. Q. Paraît le 1er du mois. Abonnement, 50 sous.



THE MICMAC MESSENGER

A Monthly Newspaper for the Indians. Yearly Subscription 50 cts. Address all communications to the Micmac Messenger, Restigouche, P. Q.

Neogtigisgeg esgipeit.

PATLIASEOEI GELOSOAGAN

Tesit tjinem, tesit epit, tesit mitjoa-tjitj tlimsitj agantieoimg tan telpitag : Sesos neogtigisgeg esgipeit, Oestaalg alasotmôgoomigtog esgipeit, gesg alasian, gesg ilasgogoeian, neogtigisgeg esgipeit. Negem tan oetji glotjieogôs otjit nin, ag minoi neiatôg telgig apigsigtoagan patgoi alamesigenigtog otjit nin, tetli esgipeit neogtigisgeg. Tep gig ag nagoeg pisit otjit nin, teli galit ôgo ; eln tepetog ptjilio agentieoimg esgipeit, esgipeit, esgipeit ; tôgo môgoe otjjeo.

Tanog gagiatero tan teleg ? tanog ponisgipólteo ? tan gisisges, tan oetji lnoasis getoi osetaogeg, tan opogtjig natji tpeleomolteo : tanog ponisgipólteo alasotmôgoomig oig agentieoimg ag pestieoimg ? tanog ?

Oetjioli Nisgam piptôgôpsgalasanel, Oegoisit ag Eogtjit ag Oetjoli Nisgam Oestaalgol oagei piptôgôpsgatoatisanel gitjinal Malial egtelamilog maoui sapeoig ag oagameg omaltemigtog, tôgo gisitoatisanel otjit jagamitjei ag ngotio maotoatisanel Eogtjit Nisgamei tel lnoasilisanel ; eln tepetog gionagatj emg, Oetjioli Nisgam elnoalasanel, meta negem petjili o-gotemot notji eoliteteg, notji osgitjinoaloet, ag tanel natel oetjiagal ogisitaganemel, isteg pa Oegoisit Nisgam negem mesta melgigenat ag oenitjangat gtnineno, oetji loisit mesta gisiteget, mesta notjôteget, mesta niganteteget : tôgo Eogtjit Nisgam gtjisapeoit ag mesta gtjitjiteget : tliatj oagela elp tapositjig tetpi sapeoitjig, ag nesisitjig tetpi gisitegetjig ag mset gôgoel tetpamogsitjel. Maoui emtôgoalanetj, moioala netj, metj atji gsalanetj.

AGNOTEMAGANTJITJEL

Nôgmatot

Sist gasgimtlagnipongegeoeieg mi-goitetmagneg igageg ag pemiag, stege gigpesan ; ag mset gogoeieg teli angamgogeg otli mimatjoasin. Stege nipgeoei gigpesan tan teli mimatjoatôg gispateg magnigeo. Gisi gigpesng pigoelgel oasoegtjitjil pilel pasgasoatigl tan môgoe nemitomegnl esgo mo meantitigoag tan gôgoei pasgasoalogotaga.

Maoui Gsalsoti otjit gino eooletjigo tegeletjigo Lnoigo maoui genaog, ag maoui gelolg oasoega, ositgamogoei angitasoagn notag o'gisitetmn tan tetotji gelolg ag tetotji espeg tan teli oit-asig getleoei Gsalsotia.

Mesgeiimg mo mset Lnoi sagmagig ag gtegeg espôlittjig lnoigo mo gisi oitjigtôtmotineo, ag mo onmitoneo tan teli gelolleg mset gôgoeieg teli pemiaga.

Maoui Gsalsotieg maoui espi pogooigeg, oetjategemg Gtji Patliag, Patliag, aniapsoinogo, Lnoi Sagmag, Gep-tinag, glapis tan maoui maltjeoetj. Môgoe oenag espeiiigoag ag mogoe oenag penôgoeiigoagoag.

Lnoi Sagmag, mesgiig emtôgoalsoti pegoatotitja, ag ma ponapenog mset tami otji emtôgoalgosineo ; me pmi mlgigneoasig maoui Gsalsoti otinineoag tan tegoeiagotip teli pgitji pestieoimg, ag teli pgitji nmitoltititja. Sagmatot, signtasoti pegoatolg getleoeii Gsalsoti, gesna nigsgameoei Gsalsoti gtninenag ogisi tli gôgoatji logoen, paseg me